



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-1670-6/25
Dana: 16.05.2025. godina

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za sukcesivnu nabavku štampanog materijala za potrebe Uprave policije Ministarstva unutrašnjih poslova Kantona Sarajevo, imenovane Rješenjem broj: 02/5-1-30-1-1739 od 25.03.2025. godine, u postupku javne nabavke štampanog materijala, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i :

ODLUKU

O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivnu nabavku štampanog materijala za potrebe Uprave policije i okvirni sporazum za javnu nabavku štampanog materijala materijala za potrebe Uprave policije Ministarstva unutrašnjih poslova Kantona Sarajevo dodjeljuje ponuđačima:

- Primaprom d.o.o. Banja Luka - predstavnik grupe, Sagittarius d.o.o.Gornji Milanovac - član grupe za:
 - ✓ LOT 1 - Listovni obrasci i kese za dokaze za ponuđenu cijenu od 95.200,00 KM bez PDV-a
- Štamparija Fojnica d.d. Fojnica za:
 - ✓ LOT 2 - Perforisani blokovi za ponuđenu cijenu od 92.350,00 KM bez PDV-a
 - ✓ LOT 3 - Knjige u tvrdom uvezu za ponuđenu cijenu od 57.090,00 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljači mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru najpovoljnijeg ponuđača. Prijedlog okvirnog sporazuma dostavit će se na potpis izabranim ponuđačima Primaprom d.o.o. Banja Luka - predstavnik grupe, Sagittarius d.o.o.Gornji Milanovac - član grupe za LOT 1- Listovni obrasci i kese za dokaze, i Štampariji Fojnica d.d. Fojnica za LOT 2- Perforisani blokovi i LOT 3- Knjige u tvrdom uvezu, po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđač za LOT 1- Listovni obrasci i kese za dokaze, Primaprom d.o.o. Banja Luka-predstavnik grupe, Sagittarius d.o.o.Gornji Milanovac-član grupe, dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koji se odnose na član 45. stav (2) tačka a) do d).

Dokazi koje će dostaviti izabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

V

Izabrani ponuđač za LOT 2- Perforisani blokovi i LOT 3- Knjige u tvrdom uvezu, Štamparija Fojnica d.d.Fojnica, dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koji se odnose na član 45. stav (2) tačka a) do d).

Dokazi koje će dostaviti izabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

VI

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-1670/25 od 21.03.2025. godine i Obavještenja o nabavci broj: 16475-1-1-37-3-71/25 od 27.03.2025. godine, proveden je postupak javne nabavke, putem otvorenog postupka, za sukcesivnu nabavku štampanog materijala za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-1670/25 od 17.04.2025. godine, za aktivno učešće u postupku dostavljene su ponude ponuđača za:

- LOT 1 - Listovni obrasci i kese za dokaze - Štamparija Fojnica d.d.Fojnica, Primaprom d.o.o. Banja Luka-predstavnik grupe, Sagittarius d.o.o.Gornji Milanovac-član grupe, Grafičar d.o.o. Bihać i Svjetlost BH print d.o.o. Sarajevo;
- LOT 2 - Perforisani blokovi - Štamparija Fojnica d.d.Fojnica, Primaprom d.o.o. Banja Luka-predstavnik grupe, Sagittarius d.o.o.Gornji Milanovac-član grupe, Grafičar d.o.o. Bihać i Svjetlost BH print d.o.o. Sarajevo;
- LOT 3 - Knjige u tvrdom uvezu - Štamparija Fojnica d.d.Fojnica, Primaprom d.o.o. Banja Luka-predstavnik grupe, Sagittarius d.o.o.Gornji Milanovac-član grupe, Grafičar d.o.o. Bihać i Svjetlost BH print d.o.o. Sarajevo.

U pristiglim ponudama Komisija za sukcesivnu nabavku štampanog materijala za potrebe Uprave policije Ministarstva unutrašnjih poslova Kantona Sarajevo (u daljem tekstu: Komisija) je prilikom pregleda i ocjene ponuda u postupku sukcesivne nabavke štampanog materijala za potrebe Uprave policije Ministarstva unutrašnjih poslova Kantona Sarajevo, utvrdila postojanje računске greške kako slijedi:

-Ukupni iznos u ponudi ponuđača Štamparija Fojnica d.d. Fojnica, nakon ispravljanja računске greške, treba da iznosi 58.639,00 KM bez PDV-a umjesto pogrešno upisanih 58.638,40 KM bez PDV-a (razlika 0,60 KM).

Na upućeni zahtjev ponuđač Štamparija Fojnica d.d. Fojnica, u ostavljenom krajnjem roku, dao je svoju saglasnost za ispravku računске greške.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-1670-5/24 od 15.05.2025. godine, kojim je utvrdila slijedeće:

- da ponude ponuđača Štamparija Fojnica d.d. Fojnica, Primaprom d.o.o. Banja Luka-predstavnik grupe, Sagittarius d.o.o.Gornji Milanovac-član grupe, Grafičar d.o.o. Bihać i Svjetlost BH print d.o.o. Sarajevo za LOT 1, LOT 2 i LOT 3, sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" i ispunjavaju sve zahtjeve Ugovornog organa.

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

Nakon ovoga stekli su se uslovi za zakazivanje e-aukcije.

Postupajući u skladu sa članom 5. stav (1) Pravilnika o uslovima i načinu korištenja e-aukcije („Službeni glasnik BiH“, broj 80/23) na e-aukciju su pozvani ponuđači čije su ponude prihvatljive.

E-aukcija, održana je 14.05.2025. godine, u razdoblju od:

- 12:00 do 12:10 sati za LOT 1
- 13:00 do 13:10 sati za LOT 2
- 14:00 do 14:12 sati za LOT 3

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijena i podnošenja novih ponuda za sve lotove.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača i to:

- Primaprom d.o.o. Banja Luka-predstavnik grupe, Sagittarius d.o.o.Gornji Milanovac-član grupe sa konačnom ukupnom cijenom ponude za:
 - ✓ LOT 1 - Listovni obrasci i kese za dokaze za ponuđenu cijenu od 95.200,00 KM bez PDV-a;
- Štamparija Fojnica d.d.Fojnica konačnom ukupnom cijenom ponude za :
 - ✓ LOT 2 - Perforisani blokovi za ponuđenu cijenu od 92.350,00 KM bez PDV-a;
 - ✓ LOT 3 - Knjige u tvrdom uvezu za ponuđenu cijenu od 57.090,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnikom o pregledu i ocjeni ponuda broj: 02-11-4-1670-5/25 od 15.05.2025. godine, riješeno je kao u dispozitivu.

Pouka o pravnom lijeku: Protiv ove odluke dopuštena je žalba koja se podnosi u tri originalna primjerka putem preporučene pošte ili direktnom predajom Ugovornom organu, u roku od 10 (deset) dana od dana prijema obavještenja, a u skladu sa članom 101. stav (1) tačka d) i članom 105. stav (1) tačka i) Zakona o javnim nabavkama, u iznosu propisanom članom 108. stav (1) Zakona o javnim nabavkama („Službeni glasnik BiH“ broj: 39/14, 59/22 i 50/24), na osnovu kojeg se može nesumnjivo utvrditi da je transakcija izvršena.

POLICIJSKI KOMESAR
Generalni inspektor policije

Fatmir Hajdarević

Dostaviti:

1. Komisiji za sukcesivnu nabavku štampanog materijala;
2. Ponuđačima x4;
3. Odjeljenju za odnose s javnošću, radi objave na web stranici ovog organa;
4. a/a.